

Vreli

Taman kad pomislih da je umjetnost kod nas totalno zapostavljena, prijatno se iznenadih. Oduševljenje, naravno nisam doživio zbog naših vlasti, nego zbog omladine grada Banjaluke. U junu je održan koncert *Stefana Milenkovića*, jednog od najpoznatijih svjetskih virtuoza na violini. I, gle čuda!!! U publici su sjedila mnoga mlada lica, šta više, većina njih je pripadala mlađoj populaciji. Izgleda da doživljavamo neku vrstu renesanse u kulturološkom smislu, što je jako pohvalno.

Kada su mi se utisci sa koncerta sredili, uslijedila je još jedna pozitivna bomba. To je naravno, bio dolazak poglavara katolčke crkve pape Jovana

Pavla II. Mislio sam da će prilikom te posjete biti svega i svačega, s obzirom na visok stepen naše kulture ponašanja. Svi veliki vjernici su se digli na noge, i na sva usta govorili protiv pape. Problem takvih ljudi je u tome, što oni religiju ne znaju odvojiti od nacionalizma. To automatski znaci da ako si pravoslavac, trebaš mrziti katolike i pripadnike islamske vjerske zajednice. A, religija i nacionalizam su protivrječni u svojim osnovnim stavovima. Da ja ne bih previše filozofirao, ljudima koji imaju ovakav problem preporučujem da pročitaju jednu od mnogobrojnih vjerskih knjiga, i da u njima prepoznaju SVRHU, ZADATAK i SMISAO

RELIGIJA i
NACIONALIZAM
su protivrječni u
svojim osnovnim
stavovima

